


T9117/4344(12)

小倉山房詩集

二



小倉山房詩集卷六 巳巳

歸家卽事

錢唐袁枚子才



初四出官署二十整行裝三十抵烏鎮初一入錢塘錢塘到家近心急路轉長離鄉忘鄉音入耳翻併張闡者問名姓小犬吠籬旁主人不復顧直趨上中堂阿姊扶阿父老妻扶阿娘衆面一齊向雜語聲滿房阿母向我言爲兒道家常我老多疾病且喜無所妨不如汝之父秩膳口頗強自汝出門後諸親如水涼三妹抱瑤瑟悔嫁東家王四妹壻遠遊季蘭尸祭忙汝嬾自粵歸祀竈無黃羊舅家風淒淒滿屋堆靈床告汝各甘苦便汝相

扶將阿母言且行手自羅酒漿阿父爲我言望兒穿眼
睚昨得一口信道汝頗周詳初四出官署二十整行裝
三十抵烏鎮初入錢唐新官初攝篆米穀猶在倉三
舖與四舖廩人未收量汝今雖歸家何能長居鄉汝食
大官俸我得屋東廂汝仰視櫺栳千金寧低昂荷花三
十里蔭栢復沿塘金丸小木奴冉冉白垂黃老人手所
植待兒歸來嘗我將行赴園有人牽衣裳一妾抱女至
牙牙拜爺旁佯怒告訴爺索乳頗強梁一妾作低語外
婦宿庚桑君母忘營蒯專心戀姪姜老妻笑啞啞打開
雙青箱謂當獲金珠而乃空文章阿母欲我息吹去蠟
燭光明日大母墳長跪奠殺觴孫兒十八歲懷抱猶在
床今兒得官歸古墓生白楊嗚呼蒼天恨此恨何時忘
後日走西湖帶雨觀湯湯我行刷四嶽畢竟此無雙悠
悠笑語過忽忽燈節忙此身不自持呼僕買舟航阿母
留兒子一日如千場勸兒加餐飯爲兒備餼糧家園笋
似玉手烘加飴糖春茶四十挺片片梅花香阿父不受
拜但指鬢邊霜妻妾無所言含淚不成粧惟問幾時歸
君歸我可望阿姊出簾拜甥兒要同行叔母亦唧唧阿
品交與兄兩郎俱年少初生別離腸親朋來一送軟語
都未遑蕭蕭北門關行李搖夕陽慈烏哺復去脊令聚
復翔鴛鴦折荷葉織女望河梁浮雲爲鬱結驪駒爲徬
徨人生天地間哀樂殊未央

正月十七夜

滿牕月色滿池烟千點寒鴉一客眠夢裏忽驚蝴蝶影
梅花飛過枕函邊

寄程魚門

淮南有桂樹秋花含春姿生長斥鹵地馨香交始知翩
翩一黃鳥歲歲長相思稻梁不自謀經營托所司相知
日以深相看日以希此樹不落葉此鳥無卑栖所以歲
寒時寸心兩不移

去年秋風發拾得雲中書書中三千字字字珊瑚珠珊
瑚七尺長朝夕生奇光旁人勸我售佳人勸我藏豈不
惜顏色恐爲物所傷感激佳人意涕泣沾衣裳

西江魏公子海上彈青琴可惜太通脫揮盡千黃金殘
臘渡空江賤子病扶床程生亦復至病者喜欲狂呼兒
羅酒饌大笑傾千觴我病君莫慮病欲隨官去將攬君
子衣告君罷官趣梅花今又開君子在何處

阿兄將出山阿弟守故紙弟也爲科名兄也志千里兄
弟各有心蛟龍分路起其旁有鄙人長笑不能止觀我
十年來此味如斯矣賈生王佐才年少拖金紫禮樂與
明堂揮霍滿牙齒遭遇漢文君慟哭長沙水破鏡飛上
天不能照妻子寶劍變犁鉏家家得耘耔

綿莊窮六經賢者識其大紛綸井大春意聖沈不害跪
起何舒遲遺蛇其冠帶太矜舒雁容致招蜀犬怪忍受

虛茲驚無故出居外六石青蠅矢竟爲儒生戒君書致
諄諄居間求郭解我將膺合權騎驛使愉快儒林與文
苑古無鴻溝界一史偶作俑千秋竟分派我雖韓柳才
敢不殷陸愛我雖孔明賢敢不簡雍拜爲渠思者三子
毋言之再

哀樂不能已然後考鼓鐘性情得其真歌詩乃雍雍後
儒失所傳淫淫鳴秋蟲昨吟吾子詩音與漢魏同宮商
一再彈流水滿絲桐願子崇景光大雅扶國風三徵統
未絕羣雅道方隆結交得古人空山誓始終

君看白雲飛知我此間好但恨巢與由此身不肯老今
年陰雨多江上秋來早且喜得秋涼又恐傷芳草芳草
日以傷故人日以少臨風寄遠章落葉滿懷抱

宿蘇州蔣氏復園題贈主人

白門新挂竹皮冠爲愛梅花不作官今日名園偏晚到
萬株香雪點燈看

爲儂安放竹床邊剛在花明柳暗天侵曉主人尋不見
早同鷗鳥立寒烟

春雨瀟瀟滴滿階春宵夢短眼頻開銀燈紅淡竹牕響
半夜月明仙鶴來

縹帶橫陳萬卷餘娜嬛小犬鎮相於人生只合君家住
借得青山又借書

碧檻紅闌屈曲成海棠含雨近清明半池雪霽水微綠

坐看野塘春草生

亭孤容易夕陽斜
寶塔金泥射落霞
每到細烟生水上
晚鳥啼出隔牆花

青山顏色主人恩
相別能教不斷魂
水竹風情花世界
恰會消受幾黃昏

四月四日龔愚溪移尊隨園得招字

柴門那得有人敲
隱者除非酒可招
山裏送春剛四夕
柳邊垂綠正千條
空堂棋罷微聞雨
遠樹鶯啼半入簫
君若再來休問日
今年無刻不逍遙

後五日談沈兩門生來置酒得種字

殘春孤花危新晴
遊人勇送酒遇劉宏分題得江
茲朱陽節登彼綠雲壘
蓮舟朝淺揭雲壘
夜深捧蝶行
小草搖口落羣霞
擁簾影只三人
鳥聲恰萬種
呼僮整
金燈月華如水湧

十九日梅坡招孟亭南臺再集得觀字

有酒我不飲無酒我不歡
不如招酒人痛飲使我觀
王郎知此意清晨擔杯盤
諸客從而後來泛杯湖船
幽花隨春開好香隨風傳
有月便歸去無雨且盤桓
問我飲不飲存杯聽自然
所以主人翁自號稱隨園

讀書二首

掩卷吾亦足開卷吾乃憂
卷長白日短如蟻觀山邱
秉燭達夜且讀十記一不更
愁千載後書多將何休
吾欲

爲神仙向天乞春秋不願玉液餐不願蓬萊遊人間有
字處讀盡吾無求

我道古人文宜讀不宜做讀則將彼來做乃以我往面
異斯爲人心異斯爲文橫空一赤幟始足張吾軍

隨園雜興

官非與生俱長乃遊王路此味旣已嘗可以反吾素看
花人欲歸何必待春暮白雲遊空天來去亦無故

喜怒不緣事偶然心所生升沉亦非命偶然遇所成讀
書無所得放卷起復行能到竹林下自有春水聲

客敲柴門響主人在夢中驚起索布襪遺失草堂東夜
亦無所想夢見竹樹長客若遊我園赤腳送君往

造屋不嫌少開池不嫌多屋少不遮山池多不妨荷遊
魚長一尺白日跳清波知我愛荷花未敢張網羅

花自帶春來春不帶花去雲自共水流水不留雲住我
欲問其故無人有高樹樹下閒思量春與雲歸處

耳目口鼻心偶然爲我有有而拘攣之此物爲誰守心
爲身之主身乃心之友以主奉嘉賓陶然飲一斗

經史與子集分爲書四支亭軒與樓閣四處安置之各
放視一具各安筆數枝早起醜沐後隨吾足所宜周流

於其間陶然十二時

聞我書聲息四面老農來壯者負犁鋤衰者穿麻鞋嬉
者戴蓬累勞者擔薪柴邀我大樹下懷抱一齊開今年

苦風雨良苗猶未栽聞公讀書聲毋乃舉茂才愛其性
真誠發言如嬰孩各贈一杯酒縱橫卧莓苔

好鳥不知名翩然四山至村人來我前往往有酒氣我
有舊門生送酒月三四花下開酒觴觴畢作棋戲一杯
醉扶床一局敗塗地蕭蕭新竹枝似有扶我意扶起謝
東山一笑吾猶未

君莫笑樓高樓高固亦好君來十里外我已見了了君
來莫乘車車聲驚我鳥君來蒞騎馮馮馬口食我草君來
毋清晨山八怕起早君來毋日暮日暮百花老

當年隨大夫對山初作屋亭榭招雲烟杯觴明華燭父
老爲我言此公殊不俗拱手竟貽誰何由知是僕迢迢
一年重來理花竹隨之時義大園名不改卜以我全
主叢尋公往日樂逝者如斯夫古今同一局我後更何
人問山山不告

送許南臺入都

鍾山有良鳥羽翼無孤翔金陵有同官臨去亦雙雙同
君官石城同君家古杭兩同何足喜所喜同心腸君心
多落寞我心多疎狂大家抱寸心皎如明月光相聚不
覺樂相離各自傷彈指四年中歲月同奔忙江頭迎大
官舟楫相扶將朔望府中趨車馬偕煌煌我愛臨汝飾
君亦盛衣裳我求鍾繇珉君亦佩琳琅我歌郢中詞君
亦能文章渠眉大駟圭爭買盛金箱隨園十六韻句句

能鏗鏘我來多日午君來多夕陽輿夫不待命亦遽升
高堂皂隸知坐久鼙聲官署旁家僮如兒女紛紛羅酒
漿梨園子弟來歌舞邯鄲倡紅箋親戒速擊鼓椎肥羊
後湖七八月載酒水中央使我兩襟袖至今荷花香阿
時貌如玉君家六歲郎俊髻出拜我喚我妻作娘阿娘
雖南歸愛兒不能忘今春我歸家娘問兒可長前年才
扶膝今年當扶床從前贈文葆未必還收藏今將寄錦
袍稱身須裁量請君記此情此情豈宮塲爲君歌此曲
此曲尤悲涼自我乞病歸君興竟頽唐起視世間事亦
復歌迷陽吏部文書來工部催君行鼓吹吹君車明駝
馱君裝我初心歡喜須臾又慘傷前此二馬逐日落已
三商後此相逢期海水真茫茫今夕置斗酒黃鸝鳴
楊欲行且未行強君進一觴願得兩弟兄延齡各千霜
天南地北時德音永相望

與家弟香亭陸甥豫庭居隨園做昌黎符讀書城

南詩作二首勸其所學

示香亭

我昔見弟時弟才離襁褓弟今見我時弟年如我小兄
爲西湖魚弟爲粵西鳥相去萬里餘相別十年杳兄弟
記從前大家難了了我叔滯異鄉半生伴猿獠娶妻得
繆家家口忽繚繞黃籍忘故鄉白頭尤懊惱傷哉就木
年六十不爲老上有慈孀悲下有諸孤藐我弟難自存

全家歸悄悄木葉自返根海水多入島不恨歸太忙但
恨歸不早我父喜弟歸焚香告祖考我母喜弟歸傾盤
堆梨棗我妻喜弟歸公然學作嫂消息傳賓朋聚觀集
隣媪弟性既溫和弟顏亦美好執筆學爲文頗亦知頭
腦我家雖式微氏族非小艸高祖魏眉公烏臺稱矯矯
傳家無笏囊斫荻存衲襖此事汝未聞此語汝宜曉勉
旃光前徽典籍窮搜討辭浮理易踈境曲心能造阿兄
旣辭官分俸時愧少常恐嬾在家菽水未必飽欲慰白
髮親須立青雲表矧茲讀書地幽趣煩飄渺楊柳何依
依竹竿亦嫋嫋對景生天機隨心發匠巧阿兄區區心
焚香向天禱

示豫庭

我攜甥出門我姊向我拜我姊胡拜爲托汝情無奈汝
食不愁飢汝衣不愁敗所愁汝讀書十年不通泰爾學
舅可教爾文舅莫代文字爾未佳舅如負姊債爾父名
秀才中年困疾療初作淳于鬻繼乃出居外我姊事其
夫夜不解衣帶藥餌兼榻榻釵無遺賣汝父氣奄奄
呼姊申遺誠我有兩孤兒麻者居其大屬猶才扶床屬
况未能話諒難自成立惟爾弟是賴我姊聞此言肝腸
摧以壞麻衣白若霜抱汝來廳解我時遊京師厨竈苦
湫隘人窮恩易衰米貴親誰丐我姊燈熒熒手爪自凋
憊對汝父遺像悲泣聲流喝未幾我作令家計稍可耐

爲汝延經師望汝早釋菜忽忽十九年冠禮行將屆汝
熟一寸書我心何愉快汝隨羣兒戲我齒時噤齧教汝
如教兒親親竟難殺記汝喚阿登幼時殊可愛酷似劉
牢之雙瞳良足怪長乃質稍鈍學力慎毋懈精衛填海
波愚公移泰岱老夫慣諄諄君子應夫夫人生尺寸名
會須及親在况汝白髮親春輝豈可再

赴淮作渡江吟四首

一聲篙入江萬象化爲水喜無塵埃侵但把明月洗彈
琴咏先王浩浩一千里前望去者船虛無不見底後望
來者船次第出烟裏茫茫來去者俱爲風所使僕也豈
其然吾行亦吾止窗寒秋正清燈定潮不起舟行吾不
憂舟泊吾更喜夕陽不見人歌入蘆花矣

五更江上起落月金盤光青天虛無聲寒蓬微有霜四
海同一塊大夢酣茫茫而我當此時萬感回中腸青雲
懷北闕白髮思高堂百年會有期行役殊未央瞻彼江
湖濶知我道路長聞此蟋蟀鳴能無遲暮傷北斗爲我
愁駐柄頽西荒元鳥爲我悲孤飛三兩行偃息再入戶
餘溫猶在床我身應我愛嘆息加衣裳

日落黃天蕩懷古思英雄南宋韓蘄王於此觀軍容金
兵南下時旌旗耀白虹韓王八千人扼之於江中紅顏
擊金鼓白浪生刁鋒坐見楚師燔六軍爲沙蟲要以三
大事兀術語已窮二聖有精魂頃刻慈寧宮惜哉少周

防烟火燒飛蓬遂使隻輪返恢復無全功韓公從此悟
萬事慎所終所以岳家死公竟神龍策塞西湖濱醉
倒東南峯舉手天地動我手烟雲空朝爲大將材暮作
漁樵翁

昔年尹宮保奏我儀秦郵吏部議阻之熱格相羈留我
今過北邙一望無田疇適逢黃水決赤子生魚頭使我
果牧此何以位一籌慨念今黃河勢合淮汴流祇因資
轉漕約束爲疽虎人自奪水地水不與人仇河身日以
高河防日以固縱舒一朝患難免千年憂何不決使導
慨然棄數州損所治河費用爲徒民謀更置遞運倉改
小運糧舟水淺過船易敵淮事可休路寬趨海捷泛濫
病可瘳此語雖驚衆此理良或優安得陳明堂并告東
諸侯

江中看月作

江風送月海門東人到江心月正中萬里魚龍爭照影
一船雞犬欲騰空帆如雲氣吹將滅燈近銀河色不紅
如此宵征信奇絕三更三點水精宮

到淮遊程萼江晚甘園作

淮水能招隱江風送我來故人今夕會叢桂小山開出
拜兒孫大登盤棗栗堆洪崖肩一拍先要看蓬萊
小艇一篷孤家僮兩兩扶三山風漸引四面地全無高
樹涼冠帶斜陽煖酒壺水亭終日坐身欲化菰蘆

山罇響黃葉空林似有人摘花香滿手倚石露沾巾橋
斷能通客墻低好送春飛飛風外蝶與我鬪閒身

辟疆園自好恰稱主人翁圖畫芭蕉雪笙歌玉笛風張

燈千樹上開卷萬花中莫畏烟波濶青山護此躬

難

薄正有家

舊墨題餐勝新詩別海棠黃金填大夢白髮老名塲螢
影豆棚出山容屋角藏歸來重置酒夜坐話滄桑

不見程南陂比部投詩而歸

門外青苔滿知君正避人科名兩淮重絲竹一生春過
路袁臨汝高眠鄭子真相思不相訪風葉滿前津

理桂

偶然兩眼明看見桂上蛛蛛絲如羅網蒙密窮根株桂
也花將開憂疑心不舒我心疾如仇不及呼園夫持竿
自搜剔桂意始潛蘇桂離我不遠種在書窗東我非忘
桂者桂死猶癡聾不見蟲爲災翻疑桂不材感激眼前
事使我中心哀

芟竹

竹性不耐襍志在干青雲蒙茸依附者都非賢子孫腰
鎌爲芟除萬綠一齊立明月穿林來清風有路入始知
爲政者姑息本非好不見古干將殺人爲人寶

裘叔度宮詹祭禹陵過杭值余引疾歸里相見有

贈

六橋烟柳古杭州聽唱皇華躍紫騮望氣早知 天使
至抽身剛伴故人遊八年風雨燈前夢一片銀河笛裏
秋今日狂奴狂減未問公何事尚搖頭

中朝典禮重儒林許握牙璋作越吟太史茫茫窺禹穴
詩人步步入山陰雷門鐘鼓秋風急古殿龍蛇水氣深
倘過苧蘿花色好大夫莫動五湖心

櫻桃街北掖門東 帝里燈花幾度紅殘客有時腸九
轉新宮無譜曲三終高冠嶽嶽君全改滿面鬢鬢我忽
同諧記蓬山多少事輕雲已過月明中

宮簷珍重髮如絲曾有封章海內知才爲患多偏見少

官因遷早轉嫌遲

君以編修遷
宮詹五年矣

班荆江館逢新雁折柳

天涯愛舊枝八表停雲公莫忘江東士遜有心期

贈朱端士先生

雍正壬子興氓歲我年十七君古稀試於有司僉中書
得而復失同歔歔君如孔融忘已老爲羣拜紀廿如飴
我如鄭莊忘已少與大父行相攀追華堂稱觴衆賓集
命我製序夸文詞黃金爲泥書屏錦公然上坐傾瓊卮
家有女孫欲許字蹇修十輩縱橫馳事雖未果情足感
目光如月將人窺別來忽忽十九載我今解組重披幃
君喜走出笑不止滿頭插遍商山芝彼此嗟手認良久
同驚面目微參差蒼松在山屹不動看雲出去看雲歸
其時梅雨天濤暑荷花深紅開滿池跪獻一尊知己酒

沾於君唇快我脾人生惟有貧時恣如鰲戴石蠶含絲
喬公太牢徐君劍彼皆冥報非生貽難得高年還待我
一一出處親見之尚恨不能澤六合副君當初遠大期
姑且日拜丈人側如以芥子酬須彌

宿白土不寐

野店卧秋夜滿床如水生萬重心事集半點壁燈清欲
起慮驚衆無聊且數更一層窗紙白第五次雞鳴

寄香亭

歸鞭東指日斜曛記得山僧送出雲園在建康家在新
心如喘麥兩岐分

山頭一帶新栽竹我最關心夢見之喜汝昨宵家信到
爲言雨後活干枝

一家薪水尋常事莫損男兒瀟灑懷五月新絲三月穀
是儂草草已安排

卧醒寒梅紙帳中可曾佳句贈西風水亭秋月涼如雪
澹到書燈讀未終

遣懷

南山紫鳳風光華耀流虹生餐玉山禾不食塵翳蟲垂
頭大海外有情烟霄中側聞唐堯廷后夔能敲鐘爛然
隨百獸來觀天子風所過千枳棘化爲雙梧桐忽然思
王母高飛扶桑東來時金翅耀去時風雲空百鳥向南
望萬古青濛濛

唐時有李叟行善夫妻偕朝洪千夫膳暮設八關齋精
修二十年果然天門開我我金甲神稱天問所懷念汝
良苦志償汝所由來貴可金張位富可倚頓財憑汝擇
於斯天將爲安排叟乃再拜言均非臣所欲臣好在讀
書臣志在行樂堂前羅牙簽屋後多水竹掃地靜焚香
侍者顏如玉如此了一生雖死臣亦足金神搖手笑汝
乃大痴矣此是神仙福上界重無比不比富與貴擾擾
匆匆耳十洲三島仙賜者能有幾汝再修三生來請玉
皇旨

孫郎年十七手揮江東戈元裳披金甲豺狼俱盪磨百
姓震威名魂魄生驚波忽見美少年談笑春風和秋毫
不曾犯遠邇相謳歌襲許迎天子頃刻取山河人云太
輕身王業終蹉跎我道命存焉成敗難詆阿漢高七十
二中箭何其多蕭玉最持重亦復困滹沱嘆息復嘆息
英雄如天何

一日不再晨一過無留步茫茫大化中萬類如風度君
宜醉與癡但度母回顧前顧春夢長後顧夕陽暮未來
或爲新已來卽爲故我本青蓮花偶爲陰陽誤

步山下偶作

把卷閒行水竹居孤花紅剝晚春餘輕風剛值吟殘處
替我吹翻一頁書

寄孟亭太守

大雅千年事江湖各有名是誰堪領袖屈指數先生
灼崔岐叔鏗鏗楊子行褰帷曾守郡剡草竟歸耕臨况
星將曙欽遲月盡更分攜甘谷水同酌碧雲英祖約談
何劇唐都道已成志書勞檢校史筆最縱橫深可同靈
憲嚴堪比論衡體裁霞共駁書義鬼同爭古栢根盤大
流鶯口舌輕修江寧志被謗風懷歸酒德蘭藻入六聲遣妾捐
家累編詩住石城花枝終日把碁子徹宵鳴官罷心纔
壯才難意始傾高文無敵手吾道有交情賤子歸鄉里
西風卷客旌孤琴彈漸少岐路夢頻驚八表停雲遠三
山落照明不知文社裏又進幾回觥

寒夜

寒夜讀書忘却眠錦衾香燼鑪無烟美人含怒奪燈去
問郎知是幾更天

好作古文苦無題目尋春輒不如意戲題一首

有筆無題每自嘆黃金何處買陽春論文頗似昇平將
娶妾常如下第人

三月二十四日偕門生王梅坡舍弟香亭陸甥豫
庭遊清涼山逢白下諸君子有修禊之事爲余置
別席於南窗醉後大書僧壁

王郎王郎隨我走樓復一樓看花柳謂是空山少人跡
忽逢衣冠七八九念我江城舊長官殷勤呼僮來送酒
此酒竟同天上雨隨風吹來飛入口一杯初酌風乍吹

兩杯再酌風吹久我弟我甥衣裳單面栗膚僵時縮肘
我生不飲今畏寒亦復捧杯不放手南窗大開殊有意
天送長江作酒斗梧桐葉葉招風旛綠竹枝枝掃雲帚
萬家闐闐浮碧空晚來一片烟光剖嘆息人生會合緣
一酬一酢都非偶護世城中美儻天靈山會上前生友
我與諸公定有因敢說民多與民母只憐不速醉昏昏
忘恰主人姓某某且題僧壁志高情不管塗鴉字麤醜
出門更笑問酒人明年此日還來否

借香亭豫庭登永慶寺塔有作

一層兩層風力猛欲落不落三人影三人如蟻轉磨盤
塔高如天竟無頂身不登高眼不明江山歷歷似圍屏
何須僧借蒼龍杖天馬空行自一生

錢唐袁牧子才

輓副憲趙學齋先生 名大鯨杭州人

日斜庚子歲匆匆星隕湖山半夜風直道一生功
文章四海水朝東烏臺人去黃河在紫府仙骨不
爭奈九原難瞑目庭萱百歲成灰猶紅

手把山陽笛一枝素車入哭西盈庭還家已不知
知己終思未遇時老屋半間無宿處留魂滿地有殘
滄桑細與郎君說涼雨黃昏影欲移 牧送王卿華詩
憐我客路逢君又別君公庭人前之 聊云風樹

感廣文虞東舉以老被劾

山房詩集卷七
我生不飲今與與亦復持杯不放子南宮大開
天送長江作酒斗樽和葉葉持風舞
萬家團圓浮碧空
一酬一酌都非偶
我與諸公定有因
忘恰主人然其某
出門更笑
借香
一

小倉山房詩集卷七 庚午辛未

錢唐袁枚子才

輓副憲趙學齋先生 名大鯨杭州人

日斜庚子歲匆匆星隕湖山半夜風直道一生形頽影
文章四海水朝東烏臺人去黃封在紫府仙歸絳帳空
爭奈九原難瞑目庭萱百歲淚猶紅

手把山陽笛一枝素車入哭酒盈卮還家已在聞哀後
知己已終思未遇時老屋半間無宿草招魂滿壁有殘詩
滄桑細與郎君說涼雨黃昏髣髴欲絲
枚送王卿華詩一
聯云風懷似我能
憐我客路逢君又別君公逢人前之

慰廣文虞東臯以老被劾

從古廣文先生官不飽鎮日盤堆首藉艸先生時愁首
藉清苜藉還嫌先生老先生獵纓而坐嘆且吁將使搏
熊逐麋鬪力乎若然甚矣吾衰也否則伏生轅固方登
車我道君母憂麥禾各有秋君不見迦陵宰相公同年
身拖紫綬歸黃泉又不見孟亭太守公同官方挂角巾
尋古歡貴者先亡賤者在閒中歲月君須愛種成桃李
滿人間收得桑榆歸物外先生聞之大喜酣千鍾自署
城南老秃翁放手割成响嘍字開懷吹出黃農風忽聞
天子南巡詔白頭又照州波笑想作飛熊學太公賡
三千六百鈞先生將獻詩

題張憶娘簪花圖

并序

康熙初蘇州倡張憶娘色藝冠時好事者蔣縑
谷爲寫簪花圖一時名宿尤西堂汪退谷惠紅
豆詩公題被襦裙褶幾滿亡何圖被盜迹之在
揚州巨賈豕繡谷子盤猗以他畫贖還余至蘇
州事隔五十餘年開卷如生惜無留墨處矣爲
五絕署之紙尾

百首詩題張憶娘古人比我更清狂青衫紅袖都冷落
但見真珠字數行

五十年前舊舞衣丹青留住彩雲飛開圖且自簪
笑不管人間萬事非

想見風華一坐傾清絲流管唱新聲國初諸老鍾情甚

袖角裙邊半姓名

身後揚州又往還芳魂應唱念家山蘭亭肯換崔徽畫
贖得文姬返漢關

當日開元全盛時三千宮女教坊司繁華逝水春無恨
只恨遲生杜牧之

姑蘇卧病

一床高卧闔闔城五月黃梅聽雨聲楚客心孤應有病
吳宮人住豈無情風多樹影當窗弄夜短燈花到曉明
肯放襟懷肯行樂中年已見雪千莖

病中謝薛一瓢

先生七十顏沃若日剪青松調白鶴開口便成天上書
下手不用人間藥口嚼紅霞學輕舉興來筆落如風雨
枕秘高呼黃石公劍光飛上白猿女年年賣藥厭韓康
老得青山一畝莊白版數行辭官府赤脚騎鯨下大荒
故人忽罹二豎災水火欲殺商邱開先生笑謂雙麻鞋
爲他破例入城來十指據床扶我起投以木瓜而已矣
命以木瓜燕下輕甌夢似雲覺來兩眼清如水先生大笑
瓜代茶出門語君病既除吾亦去一船明月一釣竿明日烟波
不知處

謝吳令魏濬川問病

故人旌節駐三吳肯學高軒爲病夫隔歲雲泥分吏隱
對床心跡共江湖鴻飛碧海烟波淡雨過黃梅木葉麕

更有閒情談玉石問君曾得水蒼無

老將行

黑貂將軍騎白馬年年獨獵陰山下拔劍時同霹靂爭
揮鞭慣把旋風打手中闢地一千里麾下偏裨半金紫
刮骨堂前召伎歌論功殿上揮拳起酒氣時熏甲帳中
名王擒出烟塵裏于今蕭蕭兩鬢霜日餌雲母彈清商
朝廷數遣問邊事素書幾卷存金箱朝聽禪白社暮種
瓜青門圖形不去涅面痕血甲血裳示子孫

已京

已涼天氣病初消小市長陵宛轉橋裝罷金星風送月
魚山神女降弦超

旗亭畫壁唱新詩重托王昌寄柳枝滿架豆棚秋有露
藕花風裏說相思

官奴未敢呼卿字團扇終須記曲名聽說張星天上住
七條絃上鳳凰聲

臨行

臨行偏唱惱儂歌惹得檀郎臉亦波爲費黃金還費淚
喫虛無奈是情何

橫塘懷古

橫塘花落吳宮晚西施心痛紅顏損身受吳恩報越仇
隣渠春夢如何隱韓王進美人疏秦乃益彰西施情脉
脉或者爲同鄉子胥白頭諫刺刺吳王英雄笑又吞也

著西施更練甲苧蘿村飲合歡杯越王顏色如死灰

迎鑾應制

一曲南風入舜琴百年重見翠華臨得瞻雲日蒼生

福欲問桑麻

聖主心鹵簿不嫌吳市小恩波原共越江深微臣曾

作中牟令聯袂應歌于蒔吟

鳳輦親扶

聖母慈金根紫闕耀坤儀承歡須得江山助教孝行看

士女知錫類高年加粟帛采風南國補笙詩宸遊五

載虞廷例只恐民間尚道遲

黃河堤上簇金鞍玉滿羣山雪未乾日馭豈辭千里照

天容原許萬人看梅花不落紅雲護春水方生御舫

寬野麥青青蠶蜿蜿愛從此處問艱難

聽說

先皇駕六巡迎鑾還有白頭民松雲不改堯心舊河

海重看禹力新慮損田禾行緩緩怕傷物力詔頻頻

瓊林烟雨瑤池水流到江南總是春

自杭州赴蘇泊船平望曉起望雪

一夜白如此小舟猶未行野飛花不斷春在樹無聲山

影依天盡沙光射櫳明是誰掃蓬背水玉響琮琤

阻風五日

雪似蠻溪鳶鳥墮船如西域賈胡留簞丁牛老夏力慣

遊子不眠時復愁人裹絮綿走荆棘天將玉戲留孤舟
古杭距蘇三百里肯信我行五日不

寓目卽書

江村白沙明月中一个鷺鷥一釣翁鷺鷥銜魚忽飛去
釣翁猶立釣魚處

堅冰不堅寒氣斂客子未眠常倚檻北斗愁人不識春
柄在東方如指點

宋逸俊秀才宮門待漏圖

不畫青衿畫絳袍春明門外馬蹄驕平生芳草思君意
讀到唐詩愛早朝

兩兩紅燈宛宛垂奚僮擎出影葳蕤朝班不敘家人禮
小宋先行大宋隨

秀才弟軟材官侍講

似我烟波一葉輕八年無夢入京城曉風殘雪天街鼓
此味前生記得清

嘲月

亭西親送好斜陽又見秋蟾一片霜何故極明終是夜
祇緣著物太清涼

棄婦辭爲王麓園作

膈膈膊膊雞尚棲女兒欲去烏夜啼井中瓶落無消息
藥店飛龍有是非是非彼此憶疇昔華山畿上雲陽客
玉藕絲多郎性情菖蒲花香妾氣息只道辰星抱萬年
此生不抱前魚泣一年一年郎意變變在郎心妾不見

銀漢猶橫白玉堂。秋風先到昭陽殿。郎君面上結春冰。
妾欲爲雲雨不成。州吁自忘終風暴。簫史空呼引鳳聲。
小姑在旁不解事。猶進胡琴勸同戲。直撲金盆水不收。
方知玉顏成永棄。明年新人爪不如。郎知悔過來挽車。
妾身依舊無瑕玉。可惜郎成濁水魚。

薛徵士一瓢招同許竹素汪山樵李克三葉定湖
俞賦拙虞東臯集掃葉莊各賦一詩

一瓢不飲好飲客。糟邱高築蘇閭門。七百斛秫麴了事。
三十六封書招人。端午後七日大開水南園。坐中衣冠
何偉然。霜眉雪鬢堆瓊璠。彥先揮羽扇。林宗墊角巾。王
融作才語。樂令能清言。文史元儒張。旗鼓詞波四。起風
軒軒癩本何妨。盛德事樂亦不憂。兒輩聞疑是張樂。洞
庭野帝臺石上觴。百神又疑雲仙傳。真誥靈籙墨會來。
紛紜誰知乃是高陽里。中小集耳季和爲主。太邱爲賓。
元方執杖慈明捧。尊膝上最小荀文若。亦復秀眉長頰。
朱點唇。一瓢外潛虬除手令。括頸無車輪。但知文字飲。
各醉葡萄春。共算坐中春秋七百二十有三歲。早已上
歷中丞蘭臺聚。下繼香山九老羣。只愁太史多事作妄。
奏却喜此夕雨脚不斷無星辰。

詩成後自嫌曼衍別呈一律

來聽蕭寺黃梅雨。半是開元白髮翁。入座耆英先論齒。
捲簾山翠遠。浮空虛堂風。大江聲近水面燈。高塔影紅

坐有洛陽年少客寸心傾盡酒杯中

楊枝十六韻

楊枝一朝別琴客半年偕鏡檻香猶在粧臺粉未搯
蕪生去路梅雨滴空階追憶塵宵日難忘小市街
嬖媼扶彩伴珍髭索嫩娃子貢三挑苦丁娘十索佳黃金虛
牝擲白璧大庭埋不料驚鴻態都成嚼蠟懷慚瓶時有
避梯几坐難挨笑淺知情薄燈涼使夢乖妾生韓女病
郎伴太常齋速贈拋家髻看飛却月鉞行雲原渺渺歸
鳥白喈喈一曲懷離賦餘情未有涯

泊舟平望偕齊次風宗伯周蘭坡學士訪玉川居

七

輕帆爲我慰離羣得見梅花又見君三徑苔痕藏草屋
一湖水氣濕春雲風停篆影微微直雨歇鶯聲漸漸聞
彈指來遊剛十載當筵莫惜酒杯醺

青山莊

張叔度方伯園
名家已籍沒

笙歌聲斷水雲寒草草亡家暝目難我與主人曾有舊
青山不忍上樓看

徐題客穿雲沽酒圖

玉貌仙人衣帶斜瓢邊橫插兩枝花穿雲何事頻來去
天上嫌無賣酒家

七月二十日夜

寒風蕭蕭打窗急半夜書翻床脚濕直疑天壓銀河奔

又恐地動海潮入披衫開門欲喚入一峯瘦影燈前立

題蔣盤漪詩冊 并序

盤漪書法冠時索婦于閨門白蓮橋號定窰觀
音亦知書工楷法有賈胡挾重價篡之姬矢志
歸蔣諸名士艷其事贈詩如梵夾余至蘇州事
已三稔慕蔣之能得人也臨行歌一詩以別蔣
袁子買舟渡江去蔣郎持冊索詩句冊中名士寫名姬
是儂不可無詩處聞道姑蘇有麗卿蕙心蘭質擅傾城
能空冀北真無匹才讀周南便有情蔣郎沉醉酒家胡
信托黃姑問紫姑玉杵暫迷三里霧綠窗遙睇十眉圖
子南超乘先相見十丈紅絲親引線宋玉墻頭柳眼青
文君曲裏琴心變妾解簪花愛墨莊郎能捉筆寫鍾王
定情不用黃金合彼此鴛鴦字一行微波通後靈犀動
錦字分明書鄭重昌谷常歌泥憶雲相如莫笑鳳求鳳
智尼將嫁蔡興宗師伯呼車故惱公香粉樓高千蝶撼
琅玕紙好萬蠅攻娟娟此豸坐臯臺笑說湖陽事不諧
梵蓮豈肯隨波去仙杏終須傍日栽一曲清簫吹鳳至
滿城紅葉送詩來紛紛吳市傳佳話留髡席上金釵挂
買繡爭將公子描熏香共把觀音畫十里桃花塢最深
年年不斷是春陰金環照骨同磨墨玉井敲冰共撫琴
不虛莫水三挑約償盡柴桑十願心婁羅歷寫綢繆記
荏苒光陰二十四兒女成行金屋中路人還說初婚事

阿侯抱出類芙蓉莫愁顏色知相似笑儂歲歲拗花看
暈碧裁紅夢轉闌王侯將相成功易名士傾城遇合難
輕舟明日趁春潮腸轉車輪酒未消極目苧蘿村在望
夕陽愁過白蓮橋

閏五二十八日買舟渡江吳下主人沈雲卓江雨

峯招兩歌郎爲余祖道

主人情重酒杯輕親把樽槽唱渭城世上別來知聚好
尊前歡盡卽悲生兩株瓊樹隨風散五月江帆冒熱行
回首桂林書舍裏闌干空照露華明

雜詩八首

咸陽赤帝子商山白髮翁千秋俱有名兩人道不同當
時頑鈍士貪立尺寸功發縱爲鷹犬忍辱相追從一旦
大事定烏盡無遺弓須知殺人機卽在媢罵中韓彭終
不悟畢竟非英雄旁有四老人長嘯看青穹黃金四萬
斤列爵封上公箕踞以相奉棄之如蒿蓬有時爲漢來
龍見未央宮有時捨漢去鶴飛大海空炎漢有興衰白
雲無始終

韓信再入朝噲等俱公侯鬱鬱未一年噲貴信且囚使
信向噲拜噲寧知恥不微生祇何物高坐呼孔邱丈夫
重意氣力欲爭上流偶然停倦足一落千丈溝天命自
有權此處非人謀朝廷兩三級挽以十萬牛雖有飛雲
足不如乘風舟中流偶失船一壺千金酬此意不能達

皇天如寬仇所以張子房寧與赤松遊

天地有春秋來往不能了不爲拘者多不爲達者少達者貴行樂行樂還須早使我明日飢我已今日飽使我明年死我已今年好不得行胸臆頭白亦爲天苟得快須臾童殤固已老

入山愁我貧出山愁我身我貧猶自可所愁戚與親我身猶自可所愁吏與民出處難自擇請以詢家人父母聞作官勸行語諄諄妻妾聞作官膏我新車輪僮僕聞作官執鞭追後塵我意獨不然亦非慕隱淪朝來見縣令三十鬚如銀勞苦未得息大吏猶怒嗔况我挂其冠此骨已岐嶇從前後行船已據要路津而我復重來相覓殊逡巡所恨年齒少衆論猶紛紜婦少難守節呂長難關門掩耳且挺鼻痛飲求昏昏

幼年負奇氣開口談兵書擇官必將相致身須唐虞十二舉茂才立志何狂愚二十薦鴻詞高步翔天衢廿四入詞林腰帶弄銀魚八載謫江南手板學奔趨再擢刺史官勲格相齟齬一旦洒然悟萬念都捐除高蹈隋家園甘心漁樵徒琳琅羅萬帙桃李栽千株當軒陳古鼎隨手摩璠璣挂冠三十三不肯遲須臾民吏或留之長行絕衣裾一變至於此是誠何心歟方春行秋令賢聖爲狂且旁觀俱咄咄自笑亦渠渠不知千載後謂我爲何如

漢代有朱邑授官於桐鄉懷抱長者心視民常如傷春
時巡隴畝夏日勸耕桑班白不負戴歌者日相望藁爾
小邑中結構一虞唐入爲大司農惻然猶不忘謂我子
孫祭不如彼一方其時有汲黯亦復稱循良考其報最
績偃然卧在床卓哉兩君子身尊道彌光古今人不及
請以古較量句促轅下駒古人無令忙長揖大將軍今
人無古狂古人重撫綏今人重趨跲今吏如牛馬古吏
如鸞鳳異官不異民蒼生受其殃三復循吏傳使我涕
沾裳

我愛薛徵士長吟號一瓢重鐫瘞鶴銘更作安龜巢玉
骨一把瘦素書三千挑孤鳳翔青天世人不敢招平生
不負人只負青龍刀神駿今老矣聞戰猶咆哮願子采
靈藥勿憚大海遙從來英雄人往往凌丹霄狼籍青精
飯留以贈知交

我愛許子遜巍然一碩果此時橋中仙當日民之爹唐
朝顯慶車晉代洛陽火古色最斑斕深情笑言瑳縱論
至於詩唐後無一可出其所著作使我袒亦左非隨少
陵遊卽入青蓮坐字挾華星飛筆落雲霞百怪雖妖
浮萬象仍帖妥平生枚自矜于此亦云頗忽然見夫君
人間有二我可惜七旬餘髮白貧無那無力飲酒泉只
願吟飯顆雞非子夏盲已類鑿齒跛絃絕琴臺涼客少
花關鎖遙想竹素軒籬菊黃幾朶

月下彈琴

明月照青琴嫦娥似解音請彈流水曲遙答廣寒心孤
鳳語烟際清商飛遠林惟愁七絃絕不覺五更深

偶成

自得隨園戶懶開三年車馬長莓苔謝安尚有東山夢
江左空懷管子才秋氣漸催雙鬢改夕陽親送六朝來
征鴻心事無人識飛去長天首不回

寄魚門

江南江北路迢迢同是門前水一條一日兩家流得到
如何人不似春潮

南樓觀雨歌

六月午後風怒號白日隱匿如遁逃墨雲一角鍾山起
忽然長幔將天包昏昏之中萬手招雨脚尚在西南郊
我登南樓梧桐梢放眼看盡青天潮欲來不來聲咆哮
破窗先有陰風敲白羽大箭天上飄小枝雜下聲刁騷
飛鳶跼跼立不牢水晶寸寸垂絲絲龍堂亂把珍珠拋
海神欲上朝丹青疑是昆陽戰鼓鬪亂走屋瓦虎豹嗥
又疑武乙帝膽驕射天天破革囊漂豈知熱極陰陽交
兀兀禾黍需脂膏我無羽翼同飄飄風雲羨殺蛟龍豪
又無長柄雷公刀大呼阿香斬羣妖但見小屋如輕舸
濛濛四壁生波濤家中江湖一望遙兒童削竹撐野篙
須臾雨止烟霧消終風之暴不終朝萬物乃有安枝條

野人赤脚凌滔滔對天狂歌甘澤謠我有南樓鵲有巢
彼此不曾濕毫毛看雨須立高山高

閒倚

小池鱗鱗閒倚闌干送晚春一陣落花牆外去
不知飄落打何人

鬢邊

鬢邊初見一痕絲對此茫茫事可知排日急商行樂法
傷春怕憶少年時會須自愛生前酒難信人傳死後詩
著破阮孚千緉屐果然臣叔不曾癡

水西亭夜坐

明月愛流水一輪池上明水亦愛明月金波徹底清愛
水兼愛月有客坐于亭其時萬籟寂秋花呈微馨荷珠
不甚惜風來一齊傾露零螢光濕屢響蛩語停感此元
化理形骸付空冥坐久并忘我何處塵慮攬鐘聲偶然
來起念知三更當我起念時天亦微雲生

泛海行爲林爲山題畫

我本扶桑民手握金銀臺長侍玉皇側朱顏如嬰孩綠
章奏事蚪蚪誤衆人疑我非仙才不使瓊宮窺秘笈不
使袖底生雲雷不許裁衣持熨斗不許調鼎和鹽梅但
賜玉船大如鵬鳥背採芝拾草尋蓬萊頃刻碧虛金闕
絕頂身吹落荒烟巨浪如飛來頭上有青天脚下無黃
埃蜿蜿諸龍驚簇簇魚蝦猜道汝天上人胡爲乎來哉

萬怪愁我得靈藥復拔雞犬升仙階磨牙吮血相賊害
巨魚欲食張其腮我乃彎弓射殺之但見撐天白骨光
皚皚我非古周公能造指南車不怕東南地缺無津涯
又非漢張騫兩足乘浮槎乘之直到嫦娥家惟有隨風
吹去如鷗耳過盡千片萬片雲中花天風茫茫吹不住
忽見先生搖手處愛看青天明月光把船且縛珊瑚樹
須臾萍號起雨康回爭九門磔攘金雞鳴我方駒駒夢
入華胥國不許蒼蠅在旁鼓翅作微聲船已泊進一觴
醉鄉與海同汪洋天上海上遊千塲青青兩鬢還無霜

邢江留別

兩度邢江訪若耶香驄嘶遍路三叉見家住處儂能記
門外碧桃一樹花

解唱清歌昔昔鹽珠衫斜挂當湘簾人間夜是青樓短
玉漏應教海水添

笛賦名傳午子香

主人名

丹心寸意託繁霜誰知珍髻嫩

娃好索賴空交李十郎

李生負約主人薙髮寄之

仄仄風樵小小樓半安詩稿半梳頭一聲江上紅船櫂
兩角眉峯萬點秋

莊念農寓秦淮聞余體有不適招同題客西園試

進呈新曲

故人憐我近中年爲寫閒愁動管絃一曲霓裳羽衣奏
公然聞在玉皇先

龔郎嬌小髮參參露滴芙蓉酒半酣
今夕儘歌花十八
明朝剛是月初三

新聲五降紫雲飄玉艷金清字字嬌
笑我身如趙簡子
病中猶得聽鈞韶

次日再宴觀湯道人作畫

殷勤再訪紫鸞簫花對詩人分外嬌
好夢似雲連日至
酒痕如雨見風消一河秋水迎新月
兩岸歌聲送暮潮
坐有神仙提畫筆石闌干上寫芭蕉

三日後再宴

無日曾停江上筇無人不要謝才卿
鼓聲爭作白門雨
酒味狼如京口兵居士屨穿鸚鵡舞
落花風定管絃清
遙知幾夕仙音燭應化香雲滿石城

題沈凡民蘭亭卷子有序

凡民與王虛舟裘魯清交最狎沈王故工楷法
五十二歲時各臨蘭亭一本互角精能畫者作
曰首同流觴曲水貌三人于其中亡何魯清死又數年
竟草草虛舟死凡民每哭一人則跋數語於卷尾乾隆
十六年十一月凡民來白下出圖命題余生晚
不獲見裘王兩先生而其時凡民之官建德余
又將赴長安感三友之多情逢兩人之將別磨
墨愴然不能自己

先生垂老淚星星行篋常攜感舊銘
一代交情存筆墨

小倉山房
三人顏色付丹青酒杯白社秋來憶玉笛山陽雨後聽
五十二年鴻爪在昭陵風雪滿蘭亭

浮生難挹魯靈光風義羊求事渺茫兩晉書亡王內史
六朝人剩沈東陽金仙次第辭西漢宮女伊誰說上皇
惆悵鍾期來海畔斷琴彈落一天霜
衰草殘雲逐歲新梅花何忍住紅塵黃梁入夢剛三鼓
白首同歸又二人再拜未消寒食恨九原應記永和春
酒壚近日蒼涼甚不望河山也怡神
冬郎江上未生時醉殺微之與牧之名士散場君太老
繁華到眼我偏遲事如流水都陳迹人是相知易別離
珍重斜陽行色晚石頭城下望歸期

王景言鏡巖圖

僧繇畫山筆力雄白紙盡處山無窮磨墨直領東海水
放筆能寫青天容墨淡則晴濃則晦筆潤爲雨枯爲風
瑪瑙不收丹碧爛芙蓉不落朱函封當空有洞百丈許
光騰寶鏡消妖虹相傳鹿巾仙住此八十年朝朝把鏡
石照世成滄田如今仙翁已去鏡還好世人來照只見
老王郎愛鏡兼愛山畫圖常挂空堂間只恐一朝生紫
烟破鏡有時飛上天

對日歌

昨日之日背我走明日之日肯來否走者刪除來者難
惟有今日之日爲我有消除此日須行樂行樂千年苦

不足縱使朝朝能秉燭燭殘雞鳴又嗷嗷人生行樂貴
未來既來轉眼生悲哀昨日之事今日憶有如他人甘
苦與我何爲哉樂旣不可過不樂又恐悲安得將樂未
樂之意境與我三萬六千之日相追隨君不見陶潛李
白之日去如風惟有飲酒之日存詩中

招客看雪不至

空山難遣玉千枝醉拍闌干酒一卮可惜閣臨最高處
無人來看未殘時

咏雪

空山雪墜一聲鐘花落花開萬萬重窗外亂飛蝴蝶影
客來都帶鷺鷥容人情應笑青雲改版籍全歸白帝封
我自瑤臺甘小謫三年只種玉芙蓉

東皇剪水正紛紛吹上梅花不見痕但覺關河開曙色
竟忘天地有黃昏一生影落書窗好半世身從玉案尊
記得西湖尋酒伴斷橋西去最消魂

騎出青天白鳳凰羅衣誰耐九秋霜擬張廣廈遮寒士
可有多裘蓋洛陽蔥嶺風高花不穩南山樹盡絹猶長
朝來取共寒梅嚼賤子平生有熱腸

影蛾池北露盤西埋我還須此際泥半夜打窗春欲語
萬山失色影全低荒江處處敲蓬背冷巷深深印馬蹄
酒過梧桐欺遍竹鳳凰猶有一枝棲

愛著羊欣白練裙清標自顧也超羣方圓不定原無我

去住何心只問雲已畫芭蕉招隱士更歌黃竹賦從軍
銷金帳暖茅菴冷一樣能來只有君

美人方寸貯瑤華數遍飛鴻爪上沙有意欲填將陷路
未知能作幾時花紛紛幣散瓊林庫籍籍兒擎玉畫叉
此夕蒼茫銀海裏淺斟低唱是誰家

珠簾斜捲影霏霏仙鶴來時貌忽肥天女禪高花片散
昆池臘盡劫灰飛嘗過甜味嫌山遠舞罷霓裳月殿非
惆悵梁園舊詞客裁霞空疊五銖衣

一池清水變銀河斜拂闌干細點波遠客未歸秋塞外
衰年其奈鬢邊何分叫落葉雲間舞太覺好花天上多
我本姓袁高卧者關門應唱郢中歌

偶成

神仙居空中日見他人死對之不斷腸其人非君子豈
然但一氣來去徒清風山河既已改妻孥復已空惆悵
不能已翻身歸寰中借此煨煉術巧作逢迎功以彼枯
槁後極此貪戀胸所以偃月堂昏然李相公

同爲天上雲近日黃金色同爲地上水朝東水不結萬
物貴有恃丈夫重獨行千秋萬歲中吾豈無性情

春蠶一窠繭賢人一尺書精華留人間蟬蛻歸太虛魯
叟何皇皇暮年心不已退而纂六經亦賴有此耳

昭君生漢殿抱此明潔心常自重白玉不肯輕黃金騎
馬嫁絕域人皆尤畫師姬也神怡然中心猶感之使我

正椒房何以佐明治塞外少團扇或無秋風詩施恩不
可少受恩不可多男兒與賤妾各自有蹉跎

刈田滁州過浦口題壁

花種河陽幾度秋十年春夢付江流肩輿重過路人起
尚有遺民認故侯
郵亭艸艸一宵眠爲種滁州數畝田儘酌貪泉還獨笑
買山不用此邦錢

謝古林禪師贈竹

朔風不住三日寒老僧打門雪滿山十夫負竹如負水
二十四枝青琅玕琅玕種向空山裏枝枝綠影湘江水
此竹還如受戒來當風不動定如矢主人眼饒意有餘
膜手獻上和尚書缺處尚需二十株女腰求細竹求蘿
明年解籜春雷早請僧來看園中好方外龍孫即外孫
一羣綠鳳參天小

朱長官歌

一江春水秦淮香一春情緒誰家長陌上亂飛雄蛺蝶
情長誰比朱家郎朱郎窈窕歌清曲小字長官人似王
生來蘭質妬紅鸞彈罷鷓鴣絃吹紫竹召平捧檄過江東
欲采芙蓉露正濃半夜綠鞵呼董偃一生花底活秦宮
纏頭便與教師說書券親同阿母封使君出宰河陽土
子都驂乘調鸚鵡擁髻初愁離別難雙棲那識風霜苦
可惜花封百里遙桑麻不種種櫻桃禿巾小袖春騎馬

水榭風廊夜聽簫行樂竟忘公府召多情且把一官拋
人生禍福真難定飲章先有郎君姓邏騎爭爲瓜蔓抄
龜頭不顧青銅印公家簿錄到園田大索橫搜信入燕
南北竟張四面網將軍不值一文錢豈有胡椒傾八百
但聞珠履擲三千街頭爭賣死央牒市上傳觀七寶鞭
使君官罷返秦淮滿目河山玉笛哀漢帝有懷尋故劍
楚襄無夢戀陽臺巫雲曉散留難住舊雨門關打不開
惟有朱郎如落葉破船尾上載歸來三年重過板橋頭
楊柳霜經幾度秋往日兒郎多取婦舊時火伴半貂裘
琴聲都唱秋胡怨請郎別索同行伴誰識心同古井深
昔教柱促朱絃斷當時舞罷舊霓裳且付長沙庫內藏

上供憔悴青衫客下養婆娑白髮娘烏鴉聲逐金丸冷
紫竹床懸斷袖涼燕子不驚三五漏芙蓉同死一天霜
官場相聚論紛紛羨殺江頭白使君不見雕欄搜絳樹
居然海上伴朝雲君不見五侯門前車似霧朝秦暮楚
人無數將軍府第畧蕭條幾個任安能不去
覓得開尹宮保仍來江南
又聽軍中有一韓江南父老望衣冠舊厨婦喜調羹易
新病醫看下手難

除夕宿蘇州莊撫軍署中作

一聲雞唱兩年分舊雨當筵酒正醺歲盡未消殘臘雪
堂高留宿遠山雲瓊林春老花能憶官鼓霜清客怕聞

勸我行踪姑小住明朝元日莫離羣

小倉山房詩集卷八

壬申

錢唐袁枚子才

出山詞四首

正月十二日作

天涯有客賦長征
身要從容馬不停
故節又從江左謫
移文應向北山聽
梅花送我開如雪
春草留人綠滿庭
攬轡揮毫緣底事
幾行僮約付園丁

十載青雲別鳳池
笑人鄧禹遍京師
重看傀儡登場日
又到邯鄲入夢時
白下笙歌催祖道
東山猿鶴問歸期
沿塘新種芙蓉樹
待得花開看是誰
出門身在百花前
難免花枝笑獨眠
南陌馬衝紅杏雨
竹樓書鎖綠楊烟
長拋春色偏正月
小住名山合四年

薄宦心情江上水好風吹處便開船

飛沙漠漠傍唯輪情在蒼生累在身此去愧非初嫁女
再來原是謫仙人雲興海嶽思爲雨花別桃源怕誤津
聽說金陵諸父老望儂如望隔年春

余正北上而魚門來寧應試治行已具不能小留

路寄此詩

高唱驪歌路正遙忽逢舊雨過蓬茅儘拚此夕同君話
難改行期把客拋芳訊叮嚀千里寄奇書交易兩家抄
臨岐雙枕殷勤贈要我時時夢故交

蒙貽雙枕

高嶺遇雪

高嶺風高雪作花瑤臺頃刻遍天涯油衣半漏終輸瓦
斗笠微鳴類撒沙一个馬嘶紅叱撥千村竹舞白題斜
故山猿鶴應憐我如此嚴寒不在家

元夕過關山嶺雪不止

車鈴遙答五更鐘石磴千條挂玉弓匹馬獨當迎面雪
四山齊送打頭風衣敲旅店花爭落火熱寒天色不紅
誰信今宵是元夕燈光一點白雲中

滁州雪更大

環滁山忽空化作水銀海我坐破車來郭索似籠蠓罩
頭雲英英劈面風灑灑非鹽頻糝衣似箭必穿鎧高下
箠箠顛危鬼谷捍離婁眈眸看師曠躅足駭掀卓思
樂鉞作霧疑張楷遠望炊烟起知有村落在小憇撲衫

袴一刻千金買偶得束緼火當作妻孥待擁抱不忍離
良久蘇醒乃自笑卧雪人走雪業已駭甘棄郢中歌來
受田父給宜干膝六怒玉戲終日每未見脚行春先見
手承頰我乃噤齟坐嘿嘿念真宰想憐拙人拙面目太
獯獯故把珠玉粧增我鬚眉采又恐熱官熱前途將有
悔故把冰涼境使我心腸改春風雖無言吾意已領解
定遠喜晴

大風過鳳陽

六風龍虎氣殘雪鳳陽城自有聖人出竟無青草生寒
風飛野火古殿對春初嘆息渡河去臨淮月正明

王莊又雪

人日束行裝上元動馬首出門六日餘呵凍不離口飛
沙疾於鳥飛雪大於斗紅日如故人相別竟已久偶然
露半面不肯終卯酉今宵宿王莊寒氣先上手果然雪
又飛飄飄灑枯柳雪片向南來我身向北走苦鬪此寒
威十旬常八九須念行路難此景年年有不從羈旅中
苦樂寧知否但記故鄉時圍爐飲春酒

宿州道中

問路沙何濶思鄉草又生客填茅店雜火傍馬頭明雪

小徑山房 卷八 三
色遙爭市河聲欲進城拖鞭共僮僕彈指記春晴

出江南界

村烟搖碧水拖藍馬上離離夢正酣忽見戍樓題字處
始驚身已出江南

歌風臺

高臺擊筑憶英雄馬上歸來句亦工一代君民酣飲後
千年魂魄故鄉中青天弓劍無留影落日河山有大風
百二十人飄散盡滿村牧笛是歌童
泣下龍顏氣嘆麤子孫世世免全租有情果是真天子
無賴依然舊酒徒父老尚知皇帝貴水流如聽筑聲孤
千秋萬歲風雲在似此還鄉信丈夫

茅店

薄暮投茅店昏昏倦似泥草聲驢口健帘影客頭低
仄燈依壁風停柳卧隄故鄉何處望斜月亂山西

黃河

崑崙山頂星如火飛客言天路莫捋九派濁流橫海內
一條衣帶界江南清雖有日人難待塞竟無時浪正酣
手拔長菱乘日去滿堤官柳碧穆穆

途中清明

芳草萋萋動客情傷春傷別過清明幾村綠樹初遮屋

一路青山半

成麥隴祭殘鴉競立野塘風過水爭鳴
潘郎再得河陽郡只種桃花不送迎

東阿道中

春慵人倦脫驂遲齊魯風情筆一枝荒塚有碑頻勒馬
酒家無壁不題詩難禁屈突蔥三斗且試何郎餅半規
滿路白楊如削鐵四又樓上夕陽時

沙溝

沙溝日影漸朦朧隱隱黃河出樹中剛捲車簾還放下
太陽力薄不勝風

登嶧山

嶧山高六里氣與泰岱通我行鄒魯邦登茲最高峯拒
日留殘雪破崖挺孤松方截紫瑪瑙圓堆青芙蓉如以
箭彈丸拋撒青天中一鈞借寸勢枕籍停虛空元氣相
扶持終古青濛濛下視九州土炊烟白幾重天形依水
盡日力與雲窮時當正月會玉帛慶神功遊人萬點蠅
穿插玉玲瓏不見秦王碑亦無禹貢桐石爛字跡滅廟
荒莓苔濃嘆息滄桑變長嘯凌天風

山泥

山泥淋漉陷征車撲面驚沙恨有餘此際故園三月半
萬花園住一樓書

寄盱眙尹莊念農

名經畬為本州陳慕楷所劾
欽差舒公超雪之

黃河堤邊紅鯉魚三十六鱗能寄書我欲寄書向何處
盱眙之山有名姝名姝曾被蛾眉妬鳩鳥為媒向天訴
天公不信遣鳳凰為洗浮雲出秋兔年年雜佩贈瓊瑤

往歲相逢興更豪愛儂詩句親身寫累汝羹湯隔夜燒
秦淮八月秋水清徐郎樂府新製成一人一騎一行札
南山之南來相迎邯鄲琵琶漁陽鼓蹇姊徵歌雪兒舞
讓出秋風白玉床留人那管孤眠苦秋去冬來雪滿街
綺筵瑤席更重開座上不知三鼓盡飲中爭聘八仙來
兩人真是柘枝顛兩意都愁別可憐留得弟兄真面目
畫圖還倩李龍眠戲照爲白於今身作西飛雁君與梅
花同不見滿眼橫飛塞北沙回頭忍說南皮讌丁丁鈴
鐸聲蕭瑟似爲征人訴離別離別何妨再見君見君未
定知何日當日相逢太盡歡今宵歡盡難爲憶三十里
外夢魂中猶把君杯看明月

寄周其相

正月二日月未圓橫塘之波木蘭船紅燈晶熒船未發
有人來贈雙玉盤盤中盈盈何所將真珠密字三千行
下言加餐保玉體上言努力扶君王其餘字數細如
織半是相規半相憶開盤讀罷中心哀世皆欲殺君憐
才桓伊吹笛柯亭至伯牙彈琴海上來舟師那解驪歌
曲發船打鼓來相促三更攜手別河梁一舉風前學黃
鶴自從別後征車早青袍日日長安道五陵年少半相
知相知那復如君好玉笛催殘塞北霜春光青入江南
草月明花落最思君思君一夜紅顏老

和良鄉題壁詩

詩末有篁村二字

天涯鴻爪認前因壁上題詩馬上身我爲浮名來日下
若緣何事走風塵黃鸝語妙非求友白雪聲高易感春
手疊花箋書稿去江湖沿路訪斯人

錄原作

滿地榆錢莫療貧垂楊難繫轉蓬身離懷未飲常如
醉客邸無花不算春欲語性情思骨肉偶談山水悔
風塵謀生銷盡輪蹄鐵輪與成都賣卜人

荏平題壁

牛燭燒燈射酒紅杏花村小漏丁東春寒滿店數聲雨
明日亂山何處風

二馬車歌

兩木架車直且方兩騾夾木馱脊梁皮鞭鐵鏈互攬撻
盪搖日夜聲琅琅憶我四年竄幽谷兩手不復知鞭韁
忽然遊興如草發欲與此物相抵當毳毼鋪褥身危坐
天地見我先低昂橫搖兩尻直搖背不許粒粟留中腸
平生傲骨矜峻嶒一旦篩簸成糝糠其時北風天雨雪
凍雲隆隆如壞墻僮僕憐我手皸瘃油衣代瓦張兩旁
須臾昏黑如載鬼望氣不復知陰陽我頭岑岑胸作惡
蠶眠繭中死且僵急牽帷幔作遠視凍死猶得瞻穹蒼
瞪眸凝望意稍定死灰復然神洋洋始知平生惡曖昧
兩眼本是青天光人生習慣成自然二十二日安如床
村荒路滑催早起明星爛爛夜未央惟北有斗方若箱

惟南有箕日簸揚僕夫唱歌我遙答日出不覺長安長
入都

舊遊重至倍關情何況迢迢白玉京銅狄我摩前世物
陽休人訝古賢名入朝門戶層層記到眼公卿一一
驚多少上林棲息處似曾相識有宮鶯

曉日

曉日朦朧金玉殿開觚稜回首認蓬萊十年江海風塵
更重踏花磚舊影來

待漏形廷簪筆行摩挲金馬說前生憐才尚有裴中
令可惜頻呼韓愈名

望見紅雲識玉皇天恩委曲問家鄉宮門乍出聽人
羨何物微臣話獨長

哭許南臺

未入長安境先聞舊雨亡厥旌如有待白馬正升堂鳥
嶠三生夢紅蘭一夜霜古人傳初免風義重他鄉

恨我三年別偏遲十日來班荆人面遠待哭寢門開舊
僕還留飯嬌兒學舉哀江南諸父老雨泣向泉臺

別座主留松喬少宰十年聚未匝月遽爾拜辭公
白髮相扶泣然隕涕枚亦悲不自勝泣呈一詩

絳帷分手最堪悲况復吾師頭白時乍見又成千里別
再來難定十年期花飛碧樹春將暮鳥戀斜陽下獨遲
回首龍門雲在望登車惟有淚垂垂

少宰和詩

十年前憶汝相離正是金門待詔時一去江南歌異
政至今閩左望歸期恩新西地親民早病廢燕臺出
餞遲慚愧人家春正好庭前桃李發垂垂

赴官秦中

十年辭闕竟重還一檄文書又赴官雙履鳧飛朝漢遠
五羊皮少入秦難歌聲舊愛伊涼聽山色新添華嶽看
傳說關中多勝蹟男兒須到古長安
六朝雲物舊淹留更向咸陽並壯遊萬首詩編秦楚地
半生官領帝王州未知兩陝誰吾土孤負三吳說故侯
到得函關應四月行人爭耐一春愁

喜門生李蘋圃檢討分校禮闈

未修前輩光齋禮且看華堂玉筍清慚愧司東頭未白
居然門下見門生

過保陽同金太守質夫宿周燮堂署中作

人舊白頭新天涯倍愴神可憐談笑處同是別離身燈
影虛堂雨鶯聲客路春秦關千萬里腸轉似車輪

江南哀庾信僮耳老東坡白刃餘生健青雲舊夢多小
窗重剪燭大海早揚波莫靳醇醪飲蛟龍脫網羅

大磬

質夫
曾擬

樂城留別

陌上花飛五夜風文霞人光映彩雲紅碧梧翠竹三千

樹鳳鳥曾棲定不同

一夜郵亭落月遲輕塵短夢兩難知
臨期苦問重來日
腸斷楊花滿路時

楊花曲七章河南道上作

清明三月洛陽堤滿路楊花踏作泥
一片春痕萬重雪
有人迎著上遼西

飛花偏繞紫遊韉輕似吳綿澹似霜
那有閒情管離別

自家離別一春忙

無端晴雪下青天舞罷珍珠掃作烟
一種深情天怕管
狂風吹斷又纏綿

蕭蕭落日點蒼苔歌罷銅鞮玉笛哀
畫出春如遊蕩子
風斜雨細不歸來

枝頭小住最關情廿四番風各自驚
化作浮萍終聚會
不知儂可有來生

相對茫茫我欲愁蕭郎新曲唱涼州
江南北際珠簾影
難免飛花入畫樓

玉笛關山萬里雲短長亭上最愁人
情波搖蕩心旌轉
春送行人我送春

峽石望二陵

近陝山河壯當秋草木清
二陵南北峙一望古今情
雁影雲中斷西風石上生
蕭蕭紅勒馬猶過戰場驚

曉行

小倉山房 卷八
帶夢坐車上灩灩露草薰燈光雙鐸語人影一鞭分病
馬前程緩殘星曉角聞僕夫愁雨至西北有浮雲

光武原陵

滹沱河伯呼且奔白水真人夜踏冰凍合玻璃三十丈
陰風澹澹白日凝中原妖氣猶未消擊賊深入馬太驕
三日真龍旗不見蕪亭麥飯風蕭蕭人道蕭王遜高祖
我道蕭王較英武五槍銅馬萬千羣不比鴻溝當一壑
白蛇當道一劍分九日爭天太陽苦山東兵亂伯升亡
枕上淒涼淚數行未必中興輸草創生來天性勝高皇
掃除四海淨風沙遂得初心陰翳華歆是槽糠忘故婦
免教人鏡出劉家一時馮鄧皆師友殊勝爭功半鷹狗
扶風俠客馬文淵刺刺西廷亂張口兩朝天子定低昂
只在尊中一杯酒

唐昭宗和陵

長安李花十八葉春風吹過無顏色少陽院裏壽王來
粉破金甌偏拾得壽王扈蹕蜀道眠一麾曾受軍容鞭
軍容威勢竟如此敢喚門生作天子家奴難制付將軍
從此明堂起陣雲岐汴爭彈紇千雀飛去飛來欲凍殺
朱扎者三墨詔四一個緇郎呼不至倉皇四顧虎狼羣
誰是官家心腹人惟有院中韓學士曾讀詩書解愛君
明知精衛空銜土且喜葵花戀夕暉召來仍恐旁人怪
私語昭容看可在夜深月黑君王來手握冬郎淚如海

君王雙淚落未消前旌啟行後殿燒梁武有書求苦蜜
石超無表進秋桃殿中誰勸將軍酒皇后雍容雙玉手
想吹春氣變蒼鷹誰料全家歸虎口免乳難辭十月裝
擊球小隊換諸郎兜籠夫婦霜千里絹詔淒清字數行
低聲偶語君王耳明日蛾眉血已涼宮門八月夜二更
叩門響急銅環鳴美人開門詢未畢忽然花落春無聲
單衣繞床走不住龍髯剩有香肩護寢殿刀光玉几明
金屏血色珠燈暮叩頭還請活須臾傷心更有中宮誤
明日金籠鸚鵡啼聲聲萬歲呼如故太宗王業太蕭條
積漸由來匪一朝今日軍容專鳳勅明朝阿父挂龍韜
那見少康興夏室空聞高貴葬東郊君王圖治當年早
可惜中才事難了生長衰朝作帝難何如平世爲農如
於今石馬卧秋風春草春花杜宇紅年年嗚咽山陵水
不怨朱三怨祖宗

周世宗慶陵

海內風塵極英雄天子生山河歸智勇氣數限功名日
角龍岡出雲陽鳳輦行有書皆御覽無戰不親征文物
歌周雅明堂啟漢京三關談笑得五季濁流清銅像先
銷佛金河待洗兵降旗江上豎春酒草橋迎華夏威全
攝燕雲意力爭先難仁者事柔遠聖人情一旦軒弓墜
千年禹甸傾中原從此歇內地幾人耕朝覲謳歌改孤
兒寡婦驚錦囊書慘淡玉鉞涕縱橫萬里經綸志高天

小倉山房 卷八 十一
甲馬聲河南好秋月只傍慶陵明

北邙山

山豕鬱嗟峨輕車山下過有詩吟不得此處古人多

修化道中

繞空嵐翠割天光青滿河南是太行萬點野梨明玉露
一山春草健牛羊難招古樹談前代且把殘書認戰場
回首暮雲腸欲斷向南飛去雁銜霜

閩鄉道中

閩鄉西去走車難石子雷碾路百盤沙起馬從雲裏過
山深天入井中看人穿三窟懸崖險地裂千尋大壑寬
誰道中州四時正春風一日兩溫寒

邯鄲驛

暮雨蕭蕭旅店來自看孤枕笑顏開黃梁未熟天還早
此夢何妨再一回

過衛輝懷前郡守王孟亭

建月樓空風露侵浮雲西北結層陰鳳凰去後碧梧老
遊子過時烟水深白下園留詩酒債馬頭春帶別離心
黃初詞賦臨江宅短髮天涯何處吟

未知

未知漢口黃江夏容否當年禰正平張敞治蒙蒙密薦
賈彪解難竟西行是非那畏三長史得失何爭一老兵
莫道咸陽號天府修身儂亦有金城

意有所觸得詩三首

天地盪風輪三百六十度星墜與木鳴不能稍回護何
况蚩蚩氓傀儡寧不悟耳目手足間丹漆膠絲作汝巧
非汝能汝拙非汝誤茫茫大化中主之別有故

行行重行行遊子甘遠道玉豹已投素廉頗終憶趙我
親雙白髮七十已衰老暮鷄與么豚牙牙尚文葆姊既
女龍寡妹亦諸孤藐置家在古杭買山在江表有書蠹
勿除有園花不掃男兒抱大志家業原難保但問馬少
游名心已了了出山泉不清在家貧亦好此意豈不知
此味吾尤曉所爭一念差悔之苦不早抽刀斬亂絲
緒猶繚繞

我衣宮錦袍方歌合巹詞其時同婚者惟有徐文煜與

伊興阿今徐為異物掛劍空涕泗伊亦謫蓬萊鬢鬢大
有髭惟我十年來吏隱兩得之雖無風雲力亦無風波
危若將終身焉此樂誰能追胡為重入夢碌碌風塵馳
人生無全福明月無圓輝領慣少年樂忘却長年悲朝
來攬鏡中星星者為誰

寄聰娘

尋常並坐猶嫌遠今日分飛竟半年知否蕭郎如斷雁
風飄雨泊灞橋邊
一枝花對足風流何事人間萬戶侯生把黃金買離別
是儂薄倖是儂愁

杏子衫輕柳帶飄江南正是可憐宵無端接得西征信
定與樵青話寂寥

上元分手淚垂垂那道天風意外吹累汝相思轉惆悵
當初何苦說歸期

思量海上伴朝雲走馬邯鄲日未曛剛把閒情要拋撇
遠山眉黛又逢君

雲山空鎖九回腸細數清宵故故長不信秋來看明鏡
爲誰添上幾重霜

灞上

不渡桓元子當年喚奈何秦雲臨水薄古跡入關多
事仍兒戲詩情仗蹇騾千行萬行柳有意拂鳴珂

昭君

陰山月落夜啼烏放下琵琶影更孤知道君王終遣妾
將軍不賜賜匈奴

入陝感李濤故事

殺氣殷天戰血紅營門高唱有英雄請誅太尉人來矣
吾戴吾頭送與公

秦始皇陵

生則張良之椎荆軻刀死則黃巢掘之項羽燒居然一
坏尚在臨潼郊隆然黃土浮而高祖龍邯鄲兒奇貨居
大賈鳶目而豺聲橫絕萬萬古旣滅周家八百年更掃
三皇五帝如灰土長城一帶中華牆金人閃爍青銅光

虎視六合內自非天崩地拆何所妨只恐悠悠白日沉
扶桑高登泰岱山大呼海船來童男童女三千人尋花
採藥金銀臺赭山鞭石鼉鼉走惟有蓬萊宮闕無人開
歸來不作神仙遊轉身翻爲白骨愁上象三山下錮三
泉鑿之空空如下天百夫運石千夫舂魚膏蜃炭榻村
封美人如花埋白日黃泉再起阿房宮水銀爲海捲身
瀉依然鮑魚之臭吹腥風驪山之徒一火焚犁鉞耨杆
來紛紛珠襦玉匣取已盡至今空臥牛羊羣乾隆壬申
歲五月詔遣牲牢祀百王大官騎馬踏塚過不擲
天家一炷香

秦中雜感

高登秦嶺望褒斜鐘鼓樓空噪暮鴉古井照殘宮殿影
書堂吹入戰場沙賀蘭風信三邊笛杜曲霜痕九塞花
每欲憑欄怕惆悵二千年是帝王家
三唐雁塔聳秋霜一過摩挲一自傷倭國不求蕭穎士
都門誰餞賀知章空教闐闐來天馬是處阿房集鳳凰
欲賦西京無底事玉魚金盃盡悲涼
天府長城勢壯哉秋風落葉滿章臺一關開閉隨王氣
絕頂河山感霸才安石本爲江左出賈生偏過洛陽來
漢朝宣室知何處金馬門前月更哀
一城秋與華山分骨賣千金馬不羣燕影尚尋田實宅
蟲聲如弔帝王墳涼州樂府清商曲玉女蓮花薄暮雲

惆悵無雙李都尉
低頭還盼大將軍

時制軍巡邊

百戰風雲一望收
龍蛇白骨幾堆愁
旌旗影沒南山在

歌舞臺空渭水流
天近易回三輔雁
地高先得九州秋

扶風豪士能憐我
應是當年馬少游

誰從藥店唱飛龍
搖蕩心旌碧海東
霜裏征鴻驚戍鼓

秋來仙淚下金銅
新詩自挾秦風壯
舊夢常懷楚雨空

何日眉痕畫京兆
邯鄲道上走花驄

迎眷屬未至

偶探紫氣出函關
不信新婚亦素冠

秦人新婚亦戴白帽
馬踏廢

營沙怒語鵬盤大
漠鳥驚看新遷
雞犬思鄉苦未死

親朋見面難檢點
殘碑聊慰藉占來
名士滿長安

連宵擊筑唱嗚嗚
小窗黃鸝逐酒壚
秦代只存明月好

四方偏覺美人無
山尊白帝都朝嶽
客到咸陽怕作儒

季子黑貂裘已敝
書燈空照塞雲孤

潼關

雞唱三秦曉潼關
八扇開九州疑地
盡匹馬上天來城

影高難落河聲去
不回丸泥忘禁谷
懷古有餘哀

馬嵬

倚杖營門淚數行
君臣此際太倉皇
興元一詔三軍泣

何必傷心向佛堂

莫唱當年長恨歌
人間亦自有銀河
石壕村裏夫妻別

淚比長生殿上多

父老原知有此行
上方雜進露葵羹
宮中苦賜金牌子

猶恐猪龍養不成

家家逐水唱黃裙金屑桃丹信屢聞

史言貴妃縊亡惟劉禹錫詩稱服金

屑一樣邯鄲同走馮慎夫人遇漢文君

登華山

太華峙西方倚天如插刃閃爍鐵花冷慘淡陰風號雲
雷莽回護仙掌時動搖流泉鳴青天亂走三千條我來
躡芒躡逸氣不敢騎絕壁納雙踵白雲埋半腰忽然身
入井忽然影墜巢天路望已絕雲棧斷復交驚魂飄落
葉定志委鐵錄閉目謝人世伸手探斗杓屢見前峰俯
愈知後歷高白日死崖上黃河生樹梢自笑亡命賊不
如升木猿仍復自崖返不敢向頂招歸來如再生兩眼

青寥寥

卮言

官以阜兆民貴在知民風所以漢守令旌旗故鄉紅
觀分兩選一西而一東毋過三十驛政和道猶同元明
有衰政探符以為公章甫適越俗燕縛為胡弓嗜慾不
相達言語不相通出都為債帥臨民如聾聵方知古賢
法妙在人情中先期而除弊其弊方無窮
常讀聖人書恍然明治理富之與教之不言其所以足
兵與足食亦不序原委吾其為東周期月而可矣學校
井田方一字不挂齒唐虞命臯夔欽哉兩字爾大哉聖
人心堯舜同孔子我但責其效設施聽之彼彼之能與

否惟在我所使孟軻談王政漸覺聒兩耳後儒更紛紛
拘牽守故紙常平倉最佳東漢樊蜂起車戰古最精陳
濤敗如洗民靜政轉繁人活法先死宜乎三代風戛然
亦竟止

奇物取大節瑕瑜不相蒙謝安遊江左挾妓東山東香
山守杭州絃管醉春風當時兩賢人勲業何穹隆宋後
異於昔法網如張弓所棄山斗外所爭糠粃中腐儒死
糟粕俗吏甘雷同烟視而媚行繩趨而溝衷所以古樂
府長歌可憐蟲

齊梁重氏族王謝最門高侯景擁強兵求婚不敢招貞
觀加釐定等級無混淆匪以寵君屐使倚人門驕實以
衛王族與國爲長消豈有非吾偶結褵而上交黃金體
自重一兩祇千毫郎官應列宿東觀皆仙曹胡爲負此
幘使我心鬱陶

衛侯作夷言取笑自彌牟南人強北音之推代含羞緣
何窶人子譙語偏呀嚶好學埵澤呼不待楚人咻滿口
襍夷夏脣齒皆王侯未登拗項橋先爲反舌鳩終竟神
不王改字不改喉大言雖炎炎聞者搖其頭倏音宮女
笑蠻語參軍愁何不操土風高師一楚囚
唐朝取人才八十一科目偶納告身者亦且試所學宜
其名器重一代官方肅凌夷至五季剝運遘陽九刺史
爲能歌節度爲能走後人笑吃吃以爲忝竊徒我轉笑

笑者淺之爲丈夫彼終有所長勝於并此無

長安知交寥寂與歐陽臨川相得甚懽歐攝篆延

長余作詩送之

同抱鸞飄鳳泊情輸君先看受降城聽風聽水霓裳曲
記取西涼第一聲

禪心曾學病維摩此去休憎吉莫靴且喜放衙秋塞外
訟庭人少亂山多

霓裳唱罷唱銅鞮騎馬咸陽烏夜啼今日瀟湘花欲笑
鳳凰巢定好雙棲

客裏殘星雁數行兩家琴酒日相將斯人更唱陽關調
從此長安是異鄉

扁鵲墓

不種青山藥滿林那知國手葬湯陰一坏尚起膏肓疾
九死難醫嫉妒心

相傳塚土能療病而身爲妒者刺死

玉札丹砂環馬鬣

溼風寒雨病春禽齊王莫怪仙機早從古昇平憂患深

武后乾陵

高捲珠簾二十年女人星換紫微天明堂黜配無光武
本紀開端有史遷鶴監儘容才子住南牙不放阿師顛
蓮花霜折宮牀冷猶見金輪盪挽烟

含風殿唱小秦王短髮重歌武媚娘十月梨花知宰相
一篇檄草嘆文章慈心果自啼鸚鵡殺氣終教曬鳳凰
愛絕醜奴爲殉未荒墳相對有莊襄

乙卯后寂陵

寂陵雲氣動高秋積麥厓空雨未收殿上龍衣憂社稷
宮中鳳輦入山邱新人妒挾三軍至故劍恩從一哭休
比到和番更幽咽斷烟衰草至今愁

過新平弔苻堅

萬里青蒲一夜霜如君才可說天亡齊桓遠畧生前亂
句踐忘恩舉國狂三輔烟高風力轉雙飛人去紫宮涼
休將成敗英雄論千古遺民哭五將

王猛墓

渭南高冢象祈連諸葛能支蜀幾年一代君臣魚得水
三秦宮殿鳥啼烟山河割據人才貴華夏興亡歷數偏
不嘆滄桑嘆遭際爲君流淚古碑前

楊震墓

關西夫子久心傾華表經過馬暫停七塚序依昭穆位
一牆秋與華山青中牢遣祭悲身後犬鳥臨喪愧漢廷
可惜蒼茫雲樹裏無人能指夕陽亭

昭陵

一卷蘭亭送鼎湖風雲猶自護金鳧九原葬禮君臣盛
異代靈旗石馬趨家合華夷春酒煖老傷骨月聖心孤
佳兒佳婦憑誰託青雀終當勝雉奴

戲馬臺弔宋武帝

身披衲襖博千場萬馬登臺劍有光一逐水仙歸大海

三擒天子出咸陽白紗帽急金甌小野葛燈懸玉燭忙
可惜雄心當暮齒關中父老易沾裳

鈎弋夫人通靈臺

七十春秋有限懽美人拳內賜金環終知宛若通靈少
不信堯門作母難簪珥飄零椒殿冷神光來去竹宮寒
官家日暮途窮事莫向英雄傳上看

汾陽王故里

甲第曾將永巷收千年華屋感山邱功名遠掃蕭曹局
歌舞長消蠹種愁一代侯王供僕役半房兒女任啜歌
我來難覓親仁里暮雨瀟瀟過華州

杜牧墓

蕭郎白馬遠從軍落日樊川弔紫雲客裏鶯花逢杜曲
唐朝春恨屬司勳高談澤潞兵三萬論定揚州月二分
手折芙蓉來酌酒有人風骨類夫君

盤古冢

名字虛無姓渺漫當年誰與葬衣冠能將莽莽乾坤闢
亦復蕭蕭邱隴寒數典更無前輩在畱墳似與後人看
不將死例當頭定世上紛紛事更難

送黃宮保巡邊

萬馬立清霜將軍出朔方朝廷西顧重秋色玉關涼虎
帳風雲氣龍沙劒戟光今朝啟程日謀報左賢王
絕塞昆侖外天朝本一家金河無戍鼓羌笛有梅花

贊普甘松市條支白象車來瞻令公舉行爰進琵琶
放馬生羌養屯田野鳥耕好開都護府寬築受降城月
避雕弓影兵消老將名凌烟趙充國心不重橫行
九月防秋畢孤烟大漠空班超留侍子宋璟黜邊功耀
甲天山雪鳴笳瀚海風燕然有人在濡筆待明公

三垂岡

太原西行五百里馬頭一片陣雲起路人手指三垂岡
行客心憐李亞子乃翁仗劍沙陀來黃蛇遠遁潼關開
氣吞朱三力不足電光照耀龍一日李花吹落風淒淒
十六宅王口呼飢官家不聽鴉兒語紇于山頭凍雀飛
邢州還軍上黨行萬馬立月霜毛明酒中照見白髮生

英雄老矣難爲情將軍鼓瑟伶人唱老淚珠光滿貂帳
膝前五歲有奇兒掀髯一指心還壯劉家夫人抱兒去
張家老奴共兒住兩美真存緩帶心七哥苦積監軍賦
十年郎主戰袍新重過先王置酒處三箭高懸太廟涼
一年一箭報先王幽州兒女朱絲繫汴水君臣白馬降
初心雖負輕移鼎國號依然不改唐生兒如此尚何憂
漢有孫郎足與儔此外英雄那堪老百年歌唱淚空流

古意

妾自夢香閨忘郎在遠道不慣別離情回身向空抱
淚墮酒杯中光添琥珀紅請君嘗此酒相思味不同
種梅北窗下香花開似雪日日有春風梅花常傲妾

打起女兒箱寄郎寒衣裳從前說薊北今日又咸陽

車中雜憶古人作五六七言詩

大度如劉季難忘嫂曼曼偶將雍齒賞終逐鄭君行沛公

舊雨鍾離昧成功酈食其兩人都可負一飯報何為韓信

魏王漳水獵旂拂滿山雲只有幸長史能將苦樂分辛毗

文深為大府比例白宸衷最是張湯輩公廉有素風張湯

李廣射猛虎周處斬長蛟一旦忤貴人低頭盼毆刀李廣

徐爰講喪禮趙鬼讀西京寄語今三揖兒曹未可輕徐爰

養寇心如怯屯田草未耘不逢漢宣帝難畫趙將軍趙充國

國

聽得徐公言論不須學問為長他日都亭狼狽方知未

學霍光 徐羨之

斗柄鞠躬向北桑枝被髮朝南殺得東平夫婦息夫雖

貴難堪 息夫躬

臨替時苗畱犢犯齋周澤彈妻只道好名忍痛蘇公一

撻先啼 蘇世長

十萬黃巾拜下車泰山主簿侍門問東京風味真堪憶

賊亦尊師鬼讀書 鄭康成

贈汝人間開國公一頭手自擲東風年年布絹三千疋

苦累西朝賞未終 高敖曹

十年東觀老黃香萬里韓彭走戰場爭似山西曹妙達

一聲歌罷便封王 曹妙達

醒來頭枕君王膝歸去身棲衡嶽烟一事思量轉惆悵
爲人家國誤神仙 李鄴侯

生受韓彭百戰功如何鳥盡竟藏弓莫嫌冤氣無時雪
卒飲鯨徒一箭終 高祖

幾行颺段寫無端只愛金陵畧綽盤爭怪江東羅處士
脚間夾筆敵朝官 羅隱

謝安別墅圍棋日王衍車牛獨賣時同是一般好風度
兩人成敗卒難知 王衍

汴梁懷古

汴梁城頭啼杜宇黃昏似向行人語行人駐馬聽斷腸
知是當年趙宋主趙家八葉賢子孫神霄玉殿擁紅雲

裁詩譜畫稱絕妙只少一事能爲君元祐諸臣竄且老
黨人碑豎銅駝道賜袞爭看媼相尊排闥只覺髯鬪好
自從花石採東南樹上黃封月二三綠竹數竿千艇挽
黃楊三本百夫擔萬歲山禽呼接駕九華仙子從天下
艮嶽烟巒半起雲樊樓燈火全忘夜幽燕胡馬忽長號
頃刻阿房土欲焦三遷不決東周議六甲空憑道士妖
望斷平安火不歸金銀括盡戰兵稀慟哭六宮辭九廟
龍袍催殺換青衣黃沙漠漠乘輿去萬姓哀號畱不住
一色宮花牛背馱回頭望斷河南樹通德門空噪暮鴉
琴臺月榭鼠爲家晉唐書畫商周物小劫全爲塞北沙
行人過此莫沾裳且作風箴戒百王君不見南關敗瓦

霜華白猶刻宣和字一行

再題馬嵬驛

萬歲傳呼蜀道東
鬻拳兵諫太匆匆
將軍手把黃金鉞
不管三軍管六宮

到底君王負舊盟
江山情重美人輕
玉環領畧夫妻味
從此人間不再生

香囊消釋玉魚涼
萬里園陵白露荒
聽說西宮恩幸少
梅花猶得落昭陽

不須鈴曲怨秋聲
何必仙山海上行
只要姚崇還作相
君王妃子共長生

虎牢關

客行未回頭馬首忽然仰
上書虎牢關石碑字西向
黃土夾青天白日氣悽愴
勢與來者敵路偏絕處創殺馬
可填道萬軍一夫抗雖無戰爭
旗尚雷割據樣我從西
秦來大雨逢秋漲前車山外響
後車谷口讓升如出井
底墜如下天狀又如走漆城
蕩蕩不可上緬懷春秋時
宋鄭所依傍泊乎楚漢間
成臯一巨障雄圖一瞬空地
險千年壯鬱鬱懷古心浩歌寄惆悵

長安苦熱

南方苦熱宵猶眠
西方苦熱徹夜煎
地高星密太陽近
况復赤帝行青天
我來更僦小屋居
如坐甑底圍紅爐
手搖大扇兩腕脫
黃沙飛與炎風俱
欲走郊原散暑氣

曲江久絕昆明廢關內真成火德王渭河也作湯泉沸
南山僵立天乾封大官祈禱雙燭紅車前馬前僧道從
蜺旌火傘聲隆隆相看揮汗變成雨何處驅雲喚起龍
我無民社例須到四鼓轅門五鼓廟干卿甚事作奔忙
早魃擲榆土龍笑憶種江南十畝桑北牕高枕清風涼
底事熱中心未了自尋焦土弔阿房

邊歌

邊歌唱罷白雲哀人出陽關眼莫開歲久鬪饑吹作雪
隨風還上望鄉臺

靈武

南內歸來玉璽涼爲兒親著帝衣裳願兒只學宮鸚鵡樣
長向風前問上皇

戲題高頰傳

獨孤難療倉庚肉公學鷹揚計太深黃鉞白頭甘掩面
安知不有邑姜心

溫泉

華清宮外水如湯洗過行人流出牆一樣溫存款寒工
不知世上有炎涼

同客晚眺

鄠杜風花曲水濱長安三月有餘春攜來魯酒新從事
同看秦雲舊美人

稠桑野步

負手荒郊一埂長，幾家籬落不成莊。
木棉花老飄秋水，霜柿紅深墜夕陽。
逼岸潮來魚入澗，打禾人去鳥窺塲。
回頭自祝雙輪影，及早還鄉好種桑。

舟至黃河楊家口爲逆風吹閣淺沙中三日

謂行不見青山移，謂泊不見蘆花岸。
黃河心裏一船橫，離人日對烟波嘆。
離人思歸眼欲花，秦關萬里走風沙。
河伯何事偏投轄，坐留遠客不歸家。
來去紛紛墜眼前，飛檣過艦如雲烟。
此船萬斛莫輕舉，要等長風力動天。
歸隨園後陶西圃需次長安入山道別

策馬西歸口未曛，河梁重向草堂聞。
對牀燭剪三更雪，開卷詩添萬里雲。
春樹未青先折柳，霜鴻一聚便離君。
笑將身上征衫解，帶著餘溫贈與君。

凍合關河水滿池，弟兄一樣遠行時。
出山似我終無定，見面知君尚有期。
變相棋原千萬局，賞心梅只兩三枝。
相逢太巧相離速，縱極懽娛爭敵悲。

小具杯盤話別懷，尊前且緩僕夫催。
菜心不食存生意，韭白長留見治才。
敢說抽帆先到岸，重看標劍去登臺。
叮嚀莫掩花關臥，恐有相思夢要來。

下澤莫蘇芬關烟恣育卧思夢要來

悲白灵雷具岳木類筍吐吐决隆氣重音難險去登臺
小具林盤請限對尊前且難對天留藥少不食辛空意
卧發大江林蕭衷難辨對幾年適悲

良面味昏尚育棋變卧時取千萬以賞必卧只兩三姓
東合關何木蕭此弟以一射發許報出山以非終無空
笑深良土孤逐鞞帶蒼翁臨領與昔

